

NAQQIUT

Taarserpaa akissuteqaat 1. april 2026-meersoq

(Ilinniartitaanermut Kultureqarnermut Timersornermut Ilageeqarnermullu Naalakkersuisup taaguutaa annikitsumik naqqinneqarpoq.)

Nunatsinni ilagiit sinniiseqartarnermi atugassarititaasut qanoq pitsanngorsarneqarsinnaanersut pillugu apeqquteqaat aallaavigalugu oqallisissiasatut siunnersuut.

(Inatsisartunut ilaasortaq, Aqqalu C. Jerimiassen, Atassut)

Akissuteqaat

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Siullermeerneqarnera

Naalakkersuisut nunatsinni Ilagiit pingaaruteqassusaat aamma Ilagiit sinniisaannut atugassarititaasut pillugit oqallisissiasatut siunnersuummut qujapput. Sammisag kultureqarnermut, oqaluttuarisaanermut inuiaqatigiinnullu tunngasuvoq, sammineqartariaqartoq isummerfigineqartariaqartorlu.

Ilumoorpoq, Ilageeqarneq inuppassuit inuuneranni suli pingaarutilittut inissisimavoq - pingaartumik inuunermi pisut angisuut eqqarsaatigalugit. Piviusoq aamma imaappoq; Ilagiit sinniisaannut sassartartut sumiiffinni arlalinni ikiliartuinnarput, Ilagiillu suliaannut peqataalluartitsinissaq erseqqissaanerunissarlu qulakkeernissaat ajornakusoorsinnaasarluni.

Nunatsinni sineriammi oqaluffiit arlallit assut aserfallatsaalineqartariaqartut ilisimaneqarluarput. Naalakkersuisut nutaamik digitalikkut nalunaarsuisarfimmik, paasissutissat attuumassutillit ikkunneqaraangata aserfallatsaaliinissamut pilersaarusiorsinnaasumik atuutilersitsinikuupput. Ilagiinnit paasissutissat attuumassutillit ikkunneqaraangata aserfallatsaaliinissamut pilersaarusiortoqartarpoq, taakkulu oqaluffiit piffissaatillugu aserfallatsaalineqartarnissaannik qulakkeerinneqataasinnaajumarput. Taamaaliortoqassappalli siunertamut aningaasanik pisarialinnik immikkoortitsisoqartariaqarpoq.

Naalakkersuisut eqqumaffigaat nunatsinni Ilagiit kalaallini inuiaqatigiinni immikkuullarissumik pingaaruteqarnerat upperisamut kisimi tunngassuteqanngimmat. Taamaattumik Ilagiit qanoq pitsaanerpaamik tapersorneqassanersut inuiaqatigiinnilu allanngoriartornerit ilutigalugit qanoq ineriartortinneqassanersut pillugit eqqartuiarnissaq pissusissamisoorluni.

Naalakkersuisut inatsisartuni pitsaasumik ammasumillu, isummanik misilittakkanillu assigiinngitsunik avitseqatigiiffiusinnaasumik oqallittoqarnissaa qilanaaraat. Oqallinneq taama ittoq Ilagiit Ilagiillu sinniisaasa unammilligassaannik periarfissaannillu paasinninnerulernissamut iluaqutaasinnaavoq.